

# SA FÀBULA DE ICHNUSA

Milionis de annus a oi, candu s'Itàlia non  
fiat ancora essida de su mari, ddoi fiat  
unu continenti piticu chi si naràt  
Tirrènide.


Fiat una terra de prexu. Ddoi fiant  
buscus mannus e bellus meda, montis  
artus e superbus, flùminis, lagus,  
animalis de ònnia spètzia e genti bona e  
pacìfica.



Progetu finantziau cun su dinai de sa Regione Autònoma de Sardinia  
cunformas a sa L. 482/99 e a sa L.R. 22/2018



Ma una dii lègia, est acadèssiu unu  
terremotu tremendu e totus cussas  
bellesas fiat stètias sciusciadas, cussu  
paradisu terrestri scumpartu. Sa terra  
si fiat posta a trèmiri, is montis si  
fiant totus spacaus de pitzus a fundu,  
is flùminis ndi fiant bessius de is  
àrginis e su mari iat mandau is undas  
arrabiosas a destrùiri su continentu  
piticu chi fiat printzipiau a sprufundai  
in is abissus de su Mari Tirrenu.



Progetu finantziau cun su dinai de sa Regione Autònoma de Sardigna  
cunformas a sa L. 482/99 e a sa L.R. 22/2018



Sa genti non sciiat prus a cali  
santu pregai, puru poita a cussus  
tempus santus no nci ndi fiant  
ancora.



Nci fiant is deus, aundi su rei fiat Zeus, chi in  
cussu momentu parrit chi fessit certendi cun sa  
pobidda Era.

Ddoi est chi contat chi cussu terribili terremotu  
ddu essit provocau pròpiu Zeus in unu de is suos  
proverbialis momentus de malumori.

Cumentì fiat, cumentì non fiat, su fatu est chi sa  
Tirrènide fiat po sprufundai miseramenti in sa  
profundidadi marina. Feti unu arrogheddu de  
cussa terra, oramai non prus felici, resistiat cun  
fortza e gagliardesa a su furori de is undas  
gigantescas.



Progetu finantziau cun su dinai de sa Regione Autònoma de Sardinia  
cunformas a sa L. 482/99 e a sa L.R. 22/2018

A cussu puntu, Zeus, pentiu de  
s'arrabiamentu suu, decedit de intervenni  
e de salvai su chi si podiat salvai. Est  
calau debressi de s'Olimpu est bolau  
asuba de su Mari Tirrenu e cun su  
sandali at blocau cussu arrinconi de  
Tirrenide chi fiat galligendi ancora.  
De aici at salvau sa Sardigna ma ddi at  
lassau su marcu indelèbili de su grandu  
pei suu divinu.

Stòria contada in campidanesu de Giovanni Enna  
Enna, G. (1994) Miti, leggende e fiabe della tradizione  
popolare della Sardegna. Sassari: Carlo Delfino Editore,  
pp. 30-32



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



Comune di Quartu Sant'Elena  
Comunu de Quartu Sant'Aleni



Progetu finantziau cun su dinai de sa Regione Autònoma de Sardigna  
cunformas a sa L. 482/99 e a sa L.R. 22/2018



# Fueddus de importu in sa paristòria

Continenti

Terra

Buscu

Monti

Flùmini

Lagu

Animali

Mari

Àrgini

Terremotu



REGIONE AUTONOMA DE SARDIGNA  
REGIONE AUTONOMA DELLA SARDEGNA



Comune di Quartu Sant'Elena  
Comunu de Quartu Sant'Aleni



Progetu finantziau cun su dinai de sa Regione Autònoma de Sardigna  
cunformas a sa L. 482/99 e a sa L.R. 22/2018















